

BOSNA I HERCEGOVINA  
 FEDERACIJA BOSNE I HERCEGOVINE  
 BOSANSKO-PODRINJSKI KANTON GORAŽDE  
 OPĆINSKI SUD U GORAŽDU  
 Broj: 045-0-Su-22-000 083  
 Goražde, 31.01.2022. godine

### IZVJEŠTAJ

o poštivanju optimalnih i predvidivih rokova Općinskog suda u Goraždu  
 za period od 01.01.2021-31.12.2021. godine

#### *Analiza pokazatelja iz statističkog izvještaja o poštivanju optimalnih i predvidivih rokova:*

Prema pokazateljima statističkog izvještaja o poštivanju optimalnih i predvidivih rokova u Općinskom sudu u Goraždu u izvještajnom periodu u Općinskom sudu u Goraždu došlo je do smanjenja broja nosilaca pravosudnih funkcija, što je za posljedicu imalo povećanje broja predmeta u kojima je prekoračen predvidivi rok, odnosno optimalni rok u odnosu na početak izvještajnog perioda.

**Tabela – Usporedni pregled neriješenih predmeta sa prekoračenjem predvidivog roka po referatima u odnosu na ukupan broj predmeta na početku i kraju izvještajnog perioda.**

| Referat                         | Broj predmeta<br>SA<br>prekoračenjem<br>PREDVIDIVOG<br>roka na početku<br>izvještajnog<br>perioda na dan<br>01.01.2021.<br>godine | Broj predmeta<br>BEZ<br>prekoračenja<br>PREDVIDIVOG<br>roka na početku<br>izvještajnog<br>perioda na dan<br>01.01.2021.<br>godine | Broj predmeta sa<br>prekoračenjem<br>PREDVIDIVOG<br>roka na kraju<br>izvještajnog<br>perioda na dan<br>31.12.2021.<br>godine | Broj predmeta<br>BEZ<br>prekoračenja<br>PREDVIDIVOG<br>roka na kraju<br>izvještajnog<br>perioda na dan<br>31.12.2021.<br>godine |
|---------------------------------|---|---|--|---|
| Parnično                        | 66<br>24,17%  | 207<br>75,83%   | 39<br>15,79%   | 208<br>84,21%   |
| Izvršno                         | 36<br>22,78%  | 122<br>77,22%   | 58<br>39,46%   | 89<br>60,54%  |
| Privredno                       | 8<br>18,18%   | 36<br>81,82%  | 8<br>33,33%  | 16<br>66,67%  |
| Stečajni<br>postupak            | 0<br>0,00%  | 1<br>100%   | 1<br>50,00%  | 1<br>50,00%   |
| Likvidacija                     | 2<br>50,00%   | 4<br>50,00%   | 1<br>50,00%  | 1<br>50,00%   |
| Vanparnično                     | 13<br>48,15%  | 14<br>51,85%  | 14<br>48,28%   | 15<br>51,72%  |
| Posebni krivični<br>postupci    | 0<br>0,00%  | 2<br>100%   | 1<br>20,00%  | 4<br>80,00%   |
| Redovni<br>krivični<br>postupak | 16<br>50,00%  | 16<br>50,00%  | 5<br>15,62%  | 27<br>84,38%  |
| Prekršajno                      | 18<br>32,73%  | 37<br>67,27%  | 21<br>26,92%   | 57<br>73,08%  |
| <b>UKUPNO</b>                   | <b>159</b><br><b>26,68%</b>   | <b>437</b><br><b>73,22%</b>   | <b>148</b><br><b>26,15%</b>  | <b>418</b><br><b>73,85%</b>   |

Na početku izvještajnog perioda, odnosno na dan 01.01.2021. godine kod Općinskog suda u Goraždu, u 159 neriješenih predmeta je došlo do prekoračenja predvidivog roka, što u procentima iznosi 26,68% a u 437 neriješenih predmeta, odnosno 73,22% nije prekoračen predvidivi rok.

Na dan 31.12.2021. godine ostalo je 148, odnosno 26,15% neriješenih predmeta u kojima je prekoračen predvidivi rok i 418 odnosno 73,85% neriješenih predmeta bez prekoračenja predvidivog roka.

U odnosu na početak izvještajnog perioda, broj neriješenih predmeta u kojima je prekoračen predvidivi rok smanjen je sa 26,68% na 26,15%, što je umanjeno za 0,53% u odnosu na broj predmeta na početku izvještajnog perioda.

U izvještajnom periodu, odnosno u periodu od 01.01.2021. do 31.12.2021. godine riješeno je 1.267 predmeta predmeta obuhvaćenih odlukom o predvidivim rokovima. U optimalnom roku riješeno je 789 predmeta ili 62,27%, u predvidivom roku riješena su 902 ili 71,19%, dok je u 365 ili 28,81% riješenih predmeta prekoračen optimalni rok.

Važno je istaći da je postupanje nosilaca pravosudnih funkcija u toku perioda izvještavanja bilo profesionalno i savjesno, da su se na mjesečnom nivou vršile analize broja predmeta u kojima je prekoračen predvidivi rok.

Posebno je važno naglasiti da nije bilo predmeta u kojima je prekoračen optimalni, odnosno predvidivi rok radi nepostupanja sudije, odnosno nije bilo „perioda neaktivnosti“ u predmetima.

#### ***Analiza raspoloživih resursa u sudu***

Materijalno tehnički resursi u sudu, u izvještajnom periodu su na zadovoljavajućem nivou, što je u najvećoj mjeri i utjecalo na ostvareni stepen poštivanja optimalnih i predvidivih rokova.

Obzirom na specifičnost situacije u Općinskom sudu u Goraždu u kojem **nedostaje 4 (četvero) sudija**, da je **od 6 (šest) sudija** koji su na početku 2021. godine bili angažovani u ovom sudu, na kraju godine **ostalo svega 2 (dvoje) sudija** (Nisad Ahmetović i Lejla Ferhatović), te da je sudija Radmila Đajić stupila na dužnost 16.08.2021. godine ovakvo stanje kadrovskih resursa je u velikoj mjeri doprinijelo povećanju broja predmeta u kojima je prekoračen optimalni, odnosno predvidivi rok..

#### ***Analiza „perioda neaktivnosti“ u predmetima***

Analizom predmeta utvrđeno je da u predmetima u kojima je prekoračen predvidivi rok nije bilo perioda neaktivnosti radi subjektivnog nepostupanja nosilaca pravosudnih funkcija i da su nosioci pravosudnih funkcija poduzeli sve mjere i radnje kako bi se poštivali vremenski okviri za postupanje po predmetima u sudu.

U izvještajnom periodu period neaktivnosti je nastupio u vrijeme proglašenja stanja prirodne nesreće, kada su sva zakazana ročišta otkazana, što je dovelo do nemogućnosti postupanja po predmetima.

#### ***Prijedlog mjera kako bi se utvrđeni predvidivi rokovi skraćivali i približavali optimalnim rokovima***

Stupanjem na snagu Pravilnika o vremenskim okvirima za postupanje po predmetima u sudovima i tužilaštvima, započelo se i sa kontinuiranom analizom i praćenjem poštivanja optimalnih i predvidivih rokova u sudu.

Preduzete su mjere koje imaju za cilj skraćivanje predvidivih rokova, kako bi se isti približavali optimalnim rokovima. U tom cilju, kontinuirano su poduzimane sljedeće mjere i radnje:

- Redovna i kontinuirana analiza rješavanja predmeta u kojima je prekoračen optimalni, odnosno predvidivi rok, prvog radnog dana u mjesecu za prethodni mjesec.
- Sedmično izvještavanje i analiza broja riješenih predmeta u izvršnom referatu po godinama starosti,
- Nosiocima pravosudnih funkcija i drugim zaposlenima koji učestvuju u sudskom postupku obezbijedeni su svi materijalno-tehnički uslovi za obavljanje posla i izlaska na teren uz obezbijeden prijevoz za udaljena mjesta izvan gradskog područja.
- Da bi se utvrđeni predvidivi rokovi skraćivali i približavali optimalnim rokovima neophodno je izvršiti popunjavanje sudijskih pozicija.



PREDSJEDNICA SUDA

Lejla Ferhatović